

SƐWƐ ƆA ZHUDE wìla yɔnlɔɔ ma torogo SƐWƐ wì nawa sɛnrɛ

Zhude sɛwɛ wi yɔnlɔɔfo wi mɛgɛ ko kì taga sɛwɛ wi na. Zhude wo naa Zhaki wi ni pàa pye we Fɔ Zhezu Kirisi wi nɔsepiile nambala (Mati 13.55; Maki 6.3). We sigi jɛn Zhude wìla wi sɛwɛ wi yɔnlɔɔ maa torogo legilizi ɲa kan. Ɛɛn fo mbe yala verise koɲbanna (1) wi ni, ki yɛn na jate ma yo wìla wi torogo tagafennɛ poro kan laga ki ni fuun ni. Punɲo na, Zhude wo jate wìla kari wa ki lara ti na ma saa Yɛnɲɛle sɛnrɛ ti yo wa. Sɛnrɛ nda wì yo laga ki sɛwɛ ɲa wi ni to naa nda ti yɛn wa 2 Pyeri go shyɛn (2) ki ni, ti yɛn ma yɔngɔ ti yɛɛ ni.

Sɛwɛ wi nawa sɛnrɛ ti yɛn naga nari fo nagafennɛ yagboyoolo pe yɛn na kee legiliziye pe ni na yagbogowo nagawa kaan mbe ta mbe legiliziye pe jɔɔɔ. Zhude wùu sɛwɛ wi yɔnlɔɔ ki leele pe tangalɔmɔ po kala na, mbege yo tagafennɛ pe kan fo pe koro pe yere ɲgbanga wa tagawa pi ni, paa jaan tagawa pi yeresaga ta.

SƐWƐ wì yɛn ma kɔɔnlɔ yɛgɛ ɲga na

Sɛwɛ wi lesaga sɛnrɛ 1-2

Nagafennɛ yagboyoolo pe yaa ka ye jɔlɔɔ 3-16

Yɛrɛwɛ sɛnrɛ mbe koro wa tagawa pi ni 17-23

Sɛnrɛ punɲo woro mbe Yɛnɲɛle sɔn 24-25

*Sewe wi torogo mbele yeri
konaa pe sharaga*

¹ Mi Zhude, mi yen Zhezu Kirisi wi tunmbyee ma pye Zhaki wi nɔsepyo lenaɲa.

Muwi mila ki sewe ɲa wi torogi yoro mbele Yenɲele li yeri ye kan. Ye yen ma we To Yenɲele li ndanla, a laa ye korɔsi Zhezu Kirisi wi kan.

² Yenɲele li ye yinriwe ta, li yeyinɲge naa ndanlawa pi kan ye yeri ka mbaa tari ti na!

Leele nagafenne yagboyoolo

³ Na wennɛ, mila pye naga jaa jɛɲge mbe sewe torogo ye kan showo nunɲba mba we ni fuun wɛ ta pi wogo na. A mi si kaa ki yan ki pye jorowo kala na yeri mbege sewe ɲa wi torogo ye kan, jango mbe kotogo kan ye yeri yaa malaga gbɔɔn tagawa pi kala na, po mba Yenɲele li kan kansaga nunɲba wagati wi ni fuun woo mbele pɛ pye li woolo pe yeri we.

⁴ Katugu lepeelee pɛle ye we sɔgowo larawa. Pe yen na senre nda ti yen na para we Yenɲele li yinme wogo ki na ti waa nari kanɲgi nari piin keenre lime kala; pe maa jege Zhezu Kirisi ɲa wi yen we Nagafɔ nunɲba naa we Fɔ wi na. Kiti ɲa wi yaa to ki leele pe na, Yenɲele senre sewe wila ki yo ki mɔ.

⁵ Ali maga ta ye yen ma ki kagala ke ni fuun ke jen ma wali ke na makɔ, konaa ki ni fuun, mila jaa mbe ye nawa to ke na, fɔ We Fɔ wila Izirayeli woolo pe sho ma pe yirige wa Ezhipiti tara, ɛɛn fɔ, ko punɲo na, mbele paa je pee taga wi na, wila poro gbo.

⁶ Ye nawa to mēregeye pe na, mbele pe sila koro wa fannga nga kila kan pe yeri ki ni we, εen fɔ, a pè pe cεnsaga jate ki je. Yεnnele li pe pɔ jɔrɔgɔ ni, ηa wi se kɔn, ma pe tεge wa wɔwɔ nɔgɔna woo pi ni, na kiti kɔnpiligbɔgɔ ki singi.

⁷ Ye nawa to Sodomu ca, naa Gomɔri ca konaa cara nda tila pye wa ti tanla ti na. Ki cara ti woolo paa pye na tanri paa ki mēregeye pe yεn, ma pe yεε kan kεenre ti yeri, a nambala paa jεele kala piin pe yεε ni. A kason mbakɔgɔ ki pe jɔlɔ, a pè pye paa yεge nagawa yεn ma leele pe ni fuun pe yeri.

⁸ Ki pyelɔmɔ nunɓa po ki leele mbele ye sɔgɔwɔ paa piin fun. Wɔɔnrɔ nda pe maa wɔnlɔ ti ma pe kan pe maa kapege piin pe yεε wire ti na. Pe maa Yεnnele li fannga ki tifaga. Pe maa mēregeye mbele gbɔgɔwɔ yεn pe yeri wa yεnnele na pe tegele.

⁹ Ma si yala, mēregeye pe to Misheli, wo jate, wi sila ki kala cenle la pye. Sanga ηa ni wila pye na wiin na kendige woo Sɔtanla wi ni mbe ta mbe Moyisi gboo wi tafɔ wi jεn, wi sila yenle mbe kiti kɔnsenre yo Sɔtanla wi na mboo tεgele. εen fɔ, wila ki yo cε ma yo fɔ: «*We Fɔ wɔɔn le jɔlɔgɔ!*»[†]

¹⁰ εen fɔ, ki leele wele, kagala ηgele pee jεn, pe maa ke tegele. Kagala ηgele pè jεn wa pe jatere wi ni paa yanyaara nda tijinliwε fu ti yεn, ke maa pe jɔgɔ.

¹¹ Jɔlɔgɔ yεn pe na dε! Katugu konɔ na Kayεn wila le, lo pè le. Pè pe yεε le wa punnguwo pi ni penjara ti kala na paa Balamu wi yεn. Pè jɔgɔ,

[†] **1:9 1.9:** Zaka 3.2

katugu pè yiri ma je Yennεε li na paa yeεε nga na Kore wila ki pye we.

¹² Ki leele pe ma pye fyongɔ yaara wa ye ndanlawa fetiye liwen pi na. Pe maa feti wi piin ferεmandawa ni, pe yeε wogo ko ki ma ngban pe ni. Pe yen paa kambaara yen, nda tifeleεε kiri le ma kari ti ni, tii tisaga pan. Pe yen paa tire yen, nda ti woro na seni, ali na ti sesanga wi ka gbɔn, paa tire yen, nda pè kolɔgi, a ti ku pew.

¹³ Pe yen paa kogɔje tonmɔ mba pi maa yinrigi na tuun fannga ni pi yen. Pe maa ferεmandawa kapyere piin paa kogɔje tonmɔ ngborɔgo yen. Pe yen paa wonngɔlɔ ngele ke maa yanri na toro ke yen, Yennεε li pe censaga ki teεε wa wowɔ pee pi ni fo sanga pyew.

¹⁴ Enoki ηa wila pye Adama wi setirige pyɔ kolɔshyen woo, wila Yennεε li yɔn senre yo faa ki leele pe kannɔlɔ ma yo fo: «Ye wele, we Fo wi yaa pan wi mεregeye kpoyi mbele pe yɔn ki se jen mbe kɔ pe ni,

¹⁵ mbe pan mbe kiti kɔn leele pe ni fuun pe na, jango mbe lepeele pe ni fuun pe le jɔlɔgo pe kapyere tijangara nda fuun pè pye, naa pè yiri ma je Yennεε li na ti kala na, konaa senngbanra nda fuun kapere pyefenne mbele pe woro na fye Yennεε li yeεε pè yo ma wa li na ti kala na.»

¹⁶ Ki leele pe nawa pila pye mbe tanla pe na pilige pyew, pe maa kongɔri. Pe maa tanri na yala pe jogo kagala koro ni, na pe yeε gbɔgɔwɔ senre yuun, na leele pe fanla na pe nii.

Yεrεwε senre naa kotogo kansenre

17 Ἐν φό, yoro wo na, na wenne, senre nda we Fɔ Zhezu Kirisi wi pitunmbolo pàa yari ye kan faa, ye nawa to ti na.

18 Pàa ki yo ye kan ma yo fɔ: «Dunruya kɔyege ni, leele pele yaa ka pye laga mbaa tɛge ye na. Pe yaa kaa tanri pe saa fyɛ Yɛnɛle li yege, mbaa yala pe jogo pere to ni.»

19 Ki woolo poro pe maa leele pe koon pe yɛɛ na. Pe wire ti nandanwa kala lo li maa pe yege sinni, Yinnekpoyi li woro pe ni.

20 Ἐν φό, yoro wo na, na wenne, ye koro yaa kee yege wa ye tagawa kpoyi pi ni. Yaa yenri Yinnekpoyi li yawa pi ni.

21 Ye koro wa Yɛnɛle li ndanlawa pi ni, we Fɔ Zhezu Kirisi wi yaa yinwege mbakogɔ nɔga kan ye yeri wa wi yinriwe taga ki ni, yaa ki singi.

22 Mbele pe jatere wi maa pe koon shyenzhyen, yaa pe yinriwe taa.

23 Ye pe sho ki cen ndɛɛ ye pe tile ma pe wo kason. Yaa sanmbala pe yinriwe taa, ki yinriwe taga ki pye fyere ni. Ἐν φό, pe yariporo nda ti yen fyongɔ ni wire ti nandanwa kagala ke kala na, yeri panra.

Yɛnɛle li sonno pɔngo woo

24 Yɛnɛle li mbe ya mbaa ye korosi, jango yaga ka kurugo mbe to, mbe ye pye ye yere wa li gbogowo pi yege sogowo, jeregisaga fu, mbe nayinme gbɔɔ kan ye yeri.

25 Lo nunɔba li yen Yɛnɛle, ma pye we Shofɔ, we Fɔ Zhezu Kirisi wi fanɔga na. Gbogowo, naa gbeme, naa fanɔga, naa yawa pi pye li woo maga

le wa faa sanga wi ni, naa yingɔ konaa sanga
pyew. Anmiina.

**Bibulu Jinmiire ni
Sénoufo, Djimini: Bibulu Jinmiire ni Bible**

copyright © 2014 Wycliffe Bible Translators, Inc.

Language: Djimini Senoufo

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 18 Apr 2025 from source
files dated 29 Jan 2022

a4863791-1c91-5f31-9a8f-034a18a2f8d8